

**S**tem noch eyn andre schneckenlini macht man auß eynem rechten zirkelrifs/ die auch die steyn  
 messen zu den stygen gebrauchen / sie wirdet aber billicher eynn schrauffen lini genant / doch  
 man nenn sie wie man will so ist es eynn nütze lini / darumb will ich sie hynnach auch leren  
 machenn / vnd wer suchen will mag vil darauß finden / Xeyß erstlich eyn runden rifs wie vor ange-  
 zeigt auß ein Centro .a. den theyl mit einer aufrechten lini / durch den Centrum .a. in zwey gleiche teil  
 vnd setz oben da der zirkelrifs gerürt wirdet. 12. vnd vnden. 6. darnach far auß dem puncten. 12. mit  
 eynen geradenn lini vbersich / so ferr du der bedarfft / der end sey oben .a. Darnach schneyd dise auff-  
 rechte lini vnden nahent bey dem grund des zirkelrifs mit eynen zwerchlini .c. d. zügleichen wincelen  
 ab / der end sey .b. Darnach theyl den grund der zirkellini mit puncten in. 12. glieche theyl / vnd setz ir  
 zal darzü / vnd heb zü negst bey der seyten. 12. an züzelen. 1/2/3/4 byß du wider komst zü zwölffen / aber  
 darnach muß die zal fort lauffen / vnd so weyt du der bedarfft auff eynander gestellt werden / also kume  
 zum ersten. 13. auff eins. 14. auff. 2. 22 / Also mag man die zal / drey / vier / fünff / mal / vnd so offft man  
 will vber eynder ziehē vñ füren / nach dem man eyn schnecke hoch machē will / So nun diser grund  
 zügericht ist / als dann punctir die auffrecht lini .a. b. so in vil theyl als du wilt / vnd setz die zyffer darzü  
 vnd heb an bey end des .b. vbersich züzellen / 1/2/3/4/22 Darnach far auß dem puncten des grundes .1  
 auß der zirkellini vbersich durch die zwerch lini .c. d. darnach far auß der aufrechten lini .a. b. von dem  
 puncten .1. mit einer zwerch lini gegen der auffrechten die auß dem grund des puncten .1. vbersich ge-  
 zogen ist / Wo dann dise ein eck schliessen da setz auch ein puncten .1. also thue jm durch die ganz zal  
 des grundes vnd der auffzognen lini .a. b. durch alle puncten / auch in der oberlauffung der zal /

So nun die schneckenlini allenthalben also punctirt ist / alsdann zeuch die schnecken  
 lini von der hand darein wie ich dann das hynnach hab auffgeriessen / Item

die schnecken lini mügenn auch von punct zu punct ecket gezogen  
 werden / Man mag auch ein solchē schnecken zwifach machen in

seinem gang / Erstlich macht man die spindel im schnecken

gerad vnd ganz / So mag man sie auch holl machē /

oder gewundene also das man von oben dar

durch byß auf den grund sicht / wie dan

die Steynmesser das in

irem aufreissen sol

len wissen zü machē /

vnd durch verrückung der

grundbretter in das werck ziehen

Item auß diser vorgemeltē lini macht man

schrauffen von ein zweyen dreyē oder vier gengen 22

da mit man so schwer vnd starck ding mag heben vnd

brechen das sich des züuerwundern ist.